

დამატება №1
სახელმწიფო შესყიდვების შესახებ 2014 წლის 20 მაისის № GOG/D/C/387/12/2014
ხელშეკრულებაში ცვლილებების შეტანის შესახებ

ქ.თბილისი

„18“ დეკემბერი 2014წ.

ერთის მხრივ, სსიპ საქართველოს მუნიციპალური განვითარების ფონდი (შემდგომში შემსყიდველი), წარმოდგენილი მისი აღმასრულებელი დირექტორის პირველი მოადგილის ბ-ნი ილია დარჩიაშვილის სახით და მეორეს შპს „საქგზამეცნიერება“ (შემდგომში - მიმწოდებელი) წარმოდგენილი მისი გენერალური დირექტორის ბ-ნი თამაზ შილაკაძის სახით,

ვითვალისწინებთ რა, სსიპ საქართველოს საქართველოს მუნიციპალური განვითარების ფონდის პროექტების შეფასების სამსახურის უფროსის ბ-ნი პაატა იაკობაშვილის 2014 წლის 18 დეკემბრის N5162-მ მოხსენებითი ბარათით წარმოდგენილ გარემოებას, რომელიც შეეხება 2014 წლის 25 ივლისის შეხვედრის ოქმით მიღებულ გადაწყვეტილებას, სახელშეკრულებო ღირებულების შეუცვლელად დამატებით 9 კილომეტრის სიგრძის გზის მონაკვეთის საპროექტო-სახარჯთაღრიცხვო დოკუმენტაციის შედგენისა და შესაბამისად გასაწევი მომსახურების მიწოდების საორიენტაციო ვადის გაზრდას 11 კალენდარული კვირით, ურთიერთშეთანხმების საფუძველზე ვდებთ წინამდებარე შეთანხმებას შემდეგზე:

2014 წლის 20 მაისის GOG/D/C/387/12/2014 ხელშეკრულებაში შევიდეს შემდეგი ცვლილება:

1. გაიზარდოს ხელშეკრულებით გათვალისწინებული საპროექტო გზის სიგრძე 9 კილომეტრამდე მანძილით, ასევე დამატებით გასაწევი მომსახურების მიწოდების მიზნით გაიზარდოს მომსახურების მიწოდების ვადა 11 კალენდარული კვირით, შესაბამისად შევიდეს ცვლილება ხელშეკრულების დანართში N1 (ტექნიკური დავალება და მომსახურების აღწერილობა) და ჩამოყალიბდეს ახალი რედაქციით.

2. ხელშეკრულების სხვა პირობები დარჩეს უცვლელად.

3. წინამდებარე დამატება წარმოადგენს 2014 წლის 20 მაისის GOG/D/C/387/12/2014 ხელშეკრულების განუყოფელ ნაწილს, იგი შედგენილია ორი თანაბარი იურიდიული ძალის მქონე ეგზემპლარად, რომელთაგან ერთი ეგზემპლარი გადაეცემა შემსყიდველს, ხოლო ერთი ეგზემპლარი მიმწოდებელს.

„შემსყიდველი“

სსიპ საქართველოს მუნიციპალური
განვითარების ფონდი

„მიმწოდებელი“

შპს „საქგზამეცნიერება“


ილია დარჩიაშვილი
აღმასრულებელი დირექტორის
პირველი მოადგილე




თამაზ შილაკაძე
გენერალური დირექტორი



ტექნიკური დავალება და მომსახურების აღწერილობა

თეთრიწყაროს მუნიციპალიტეტში, სოფლებთან ქვემო წყლულეთი და ზემო წყლულეთი მისასვლელი საავტომობილო გზის რეაბილიტაციის ტექნიკურ ეკონომიკური შესწავლისა და დეტალური საპროექტო-სახარჯთაღრიცხვო დოკუმენტაციის მოსამზადებლად

1. შესავალი

საქართველოს მუნიციპალური განვითარების ფონდის (შემდგომში შემსყიდველი) მიზანს წარმოადგენს ხელი შეუწყოს მუნიციპალიტეტების ინსტიტუციური და ფინანსური შესაძლებლობის გაძლიერებას ადგილობრივ ინფრასტრუქტურასა და სამსახურებში ფინანსური რესურსების ინვესტირების მეშვეობით და პირველადი ეკონომიკური და სოციალური მომსახურების მდგრად გაუმჯობესებას ადგილობრივი თემებისათვის. შემსყიდველი წარმოადგენს პროექტის განმახორციელებელ და გადამხდელ ორგანიზაციას უცხოური და ადგილობრივი სახსრებით დაფინანსებული პროექტებისათვის.

ზემოხსენებული პროექტის ფარგლებში გათვალისწინებულია სხვადასხვა ქვეპროექტების განხორციელება, მათ შორის ქვემო და ზემო წყლულეთთან მისასვლელი გზის რეაბილიტაციას.

წინამდებარე ტექნიკური დავალება მოიცავს საკონსულტაციო მომსახურებას ტექნიკურ-ეკონომიკური შესწავლის და დეტალური საინჟინრო პროექტის მოსამზადებლად აღნიშნული ქვეპროექტისათვის.

2. ქვეპროექტის მოკლე აღწერა

გზა იწყება ქ. თბილისის უნივერსიტეტის მაღლივ კორპუსთან, და შემდეგ მიუყვება მდ. ვერეს ხეობას სათავისაკენ. საპროექტო გზის სიგრძე სავარაუდოდ 23 (დაზუსტდეს ადგილზე) კმ-ს შეადგენს. გზის სიგანე საშუალოდ შეადგენს 4,5-6 მ-ს. გზა არის გრუნტის, ძლიერ დატალახიანებული. არ გააჩნის არავითარი წყალამრიდი საშუალებები, წვიმიან ამინდში შეუძლებელია მანქანით მოძრაობა.

3. დავალების მიზანი

გზის გასუფთავება ხე-ბუჩქნარისაგან, ვაკისის რეაბილიტაცია (ხრემის შემასწორებელი ფენის და ღორღის საფუძველის მოწყობა), ორფენოვანი ასფალტობეტონის საფარის და ხრემის გვერდულების მოწყობა, მიწის კიუვეტების და ჩამონაშალი გრუნტის წმენდა, ხელოვნური ნაგებობების (მილხიდები, გაბიონები) მშენებლობა.

3.1 დეტალური საინჟინრო პროექტის და სატენდერო მასალების მომზადება

საკონსულტაციო მომსახურება მოიცავს (მაგრამ შეიძლება არ შემოიფარგლოს) დეტალური პროექტის შესადგენად საძიებო-კვლევით და საპროექტო სამუშაოებს, კერძოდ:

I. ობიექტის რეკოგნოსცირება

II. საძიებო-კვლევითი სამუშაოები

- ტახეომეტრიული აგეგმვა;

- სავალი ნაწილის არსებული საგზაო სამოსის კონსტრუქციის გამოკვლევა (გეოლოგიური ჭრილები);

- ბორდიურების ტექნიკური მდგომარეობის შესწავლა;

III. საპროექტო სამუშაოები

- საგზაო სამოსის კონსტრუქციის შერჩევა;
- გრძივი და განივი პროფილების დაპროექტება;
- წყალამრიდი ღონისძიების გათვალისწინება საჭიროების მიხედვით;
- სისტემის ელემენტების ტექნოლოგიური ნახაზები, მასშტაბი 1:100/200/500;
- სამუშაოთა მოცულობების საპიკეტო უწყისის შედგენა;
- სამუშაოთა მოცულობების კრებსითი უწყისის შედგენა;
- საჭირო მასალების ამონაკრები;
- საჭირო მანქანა-მექანიზმების უწყისის შედგენა;
- მშენებლობის კალენდარული გრაფიკი;

IV. მშენებლობის ორგანიზაცია;

V. მშენებლობის ხარჯთაღრიცხვა.

VI. სატენდერო დოკუმენტაციისათვის ტექნიკური სპეციფიკაციების მომზადება.

პროექტის განმარტებით ბარათში მოკლედ უნდა იყოს აღწერილი არსებული მდგომარეობა და საპროექტო გადაწყვეტილებები (უნდა დაერთოს საჭირო გაანგარიშებები, სქემები, ცხრილები, ფოტომასალა და ა.შ.), მოცემული უნდა იყოს სარეაბილიტაციო ობიექტის ძირითადი პარამეტრები, გამოყენებული მასალების სპეციფიკაციები, სამუშაოთა ჩამონათვალი, მოცულობები და მშენებლობის ორგანიზაციის რეკომენდაციები საორიენტაციო კალენდარული გრაფიკით, გარემოსდაცვითი ნაწილი.

მითითებული უნდა იყოს გამოყენებული სამშენებლო ნორმები და წესები და გაანგარიშებების მეთოდები.

ტექნიკური სპეციფიკაციები უნდა მოიცავდეს კონტრაქტორისათვის (სამშენებლო ტენდერში მონაწილეთათვის) ზოგად მითითებებსა და რეკომენდაციებს. ასევე, დეტალურ სპეციფიკაციებს (ყველა აუცილებელი სტანდარტის მითითებით) გამოყენებული მასალებისათვის, სამუშაოთა შესრულების მეთოდებისა და ხარისხის კონტროლისათვის.

პროექტის გრაფიკული ნაწილი (როგორც სამშენებლო, ასევე სატენდერო ნახაზები) შესრულებული უნდა იყოს სამუშაო დოკუმენტაციისათვის მოთხოვნილი ნორმების და სტანდარტების შესაბამისად, სათანადო მასშტაბში და დეტალიზაციით.

პროექტს თან უნდა ახლდეს მოკლე ანოტაცია.

4. მიმწოდებლის (კონსულტანტი) შტატი

მიმწოდებელმა (კონსულტანტი) დავალებით გათვალისწინებული მომსახურების მაღალ დონეზე შესასრულებლად უნდა უზრუნველყოს კვალიფიციური კადრების მობილიზება (როგორც ძირითადი სპეციალისტების, ასევე დამხმარე ტექნიკური პერსონალის).

ყველა ექსპერტი (წამყვანი სპეციალისტი) თავის შესაბამის დისციპლინაში აღიარებული პროფესიონალი უნდა იყოს და გააჩნდეს მსგავსი სამუშაოების შესრულების არანაკლებ 10 წლის პროფესიული გამოცდილების სტაჟი.

5. ანგარიშგება და განრიგი

პროექტი განხორციელდება 3 ეტაპად:

I ეტაპი:

ხელშეკრულების გაფორმებიდან სამი კვირის ვადაში მიმწოდებელი (კონსულტანტი) წარმოადგენს დასაპროექტებელი ობიექტის შესწავლის წინასაწარ ანგარიშს მუნიციპალიტეტთან და შემსყიდველთან ერთად ქვეპროექტის ბიუჯეტის ფარგლებში პრიორიტეტული სამუშაოების განსაზღვრის მიზნით.

II ეტაპი:

ხელშეკრულების გაფორმებიდან 23 კვირის ვადაში მიმწოდებელი (კონსულტანტი) წარუდგენს შემსყიდველს დეტალური პროექტის საწყის ვარიანტს შესათანხმებლად. შემსყიდველი 1 კვირის განმავლობაში მიაწვდის მიმწოდებელს (კონსულტანტი) შენიშვნებსა და კომენტარებს პროექტთან დაკავშირებით.

მიმწოდებელი (კონსულტანტი) ვალდებულია, შემსყიდველის კომენტარების მიღებიდან 1 კვირის განმავლობაში, შეიტანოს სათანადო ცვლილებები პროექტში და საბოლოო ვარიანტი, ტექნიკურ-ეკონომიკურ შესწავლასა და სატენდერო მასალებთან ერთად წარუდგინოს შემსყიდველს.

პროექტის საბოლოო ვარიანტის წარმოდგენიდან 1 კვირის განმავლობაში მიმწოდებელი (კონსულტანტი) წარუდგენს შემსყიდველს ადგილობრივ მუნიციპალიტეტთან პროექტის შეთანხმების დოკუმენტს.

მიმწოდებელმა (კონსულტანტი) შემსყიდველს უნდა გადასცეს ტექნიკურ-ეკონომიკური შესწავლის საბოლოო ანგარიში, დეტალურ პროექტი და სატენდერო მასალები დაბეჭდილი სამ ეგზემპლარად, ქართულ ენაზე.

წარმოდგენილ მასალებს თან უნდა დაერთოს მათი ელექტრონული ვერსია (ტექსტური ნაწილი Word და Excel ფაილების სახით, ხოლო ნახაზები - AutoCAD ან ArchiCAD და PDF ფორმატში).

III ეტაპი:

საავტორო ზედამხედველობა:

მიმწოდებელი (კონსულტანტი) უზრუნველყოფს სამშენებლო პროცესის მონიტორინგს საპროექტო დოკუმენტაციასთან შესაბამისობის თვალსაზრისით.

სამშენებლო საქმიანობის განხორციელების პროცესში, მიმწოდებელი (კონსულტანტი) ვალდებულია მიიღოს მონაწილეობა საპროექტო გადაწყვეტათა დაზუსტებაში, და საჭიროების შემთხვევაში მუშა დოკუმენტაციის, სამშენებლო მოცულობების და კონტრაქტის სხვა შესაბამისი ცვლილებების მომზადება - შეთანხმებაში.

7. შემსყიდველის წვლილი

შემსყიდველი, მიმწოდებელს (კონსულტანტი) გადასცემს მის ხელთ არსებულ ყველა მასალას, რომელიც შეიძლება საჭირო იყოს მომსახურების გაწევისათვის

8. სამუშაოს ხანგრძლივობა

მომსახურების საორიენტაციო ვადაა 25 კვირა.



საქართველოს მუნიციპალური განვითარების
ფონდის აღმასრულებელი დირექტორის
პირველ მოადგილეს
ბატონ ილია დარჩიაშვილს

მოხსენებითი ბარათი

ბატონო ილია,

მოგახსენებთ, რომ შპს „საქგზამეცნიერება“-ს საქართველს მუნიციპალური განვითარების ფონდთან გაფორმებული #GOG/D/C/387/12/2014 (20.05.2014) ხელშეკრულების საფუძველზე ასრულებს ქვემო და ზემო წყლულეთთან მისასვლელი საავტომობილო გზის რეაბილიტაციის პროექტს. ჩატარებული საკვლევაძიებო და დიაგნოსტიკური სამუშაოების საფუძველზე, რომელიც შესრულდა გზის მთელ ტრასაზე, დადგინდა, რომ ხელშეკრულების ტექნიკური დავალებით გათვალისწინებული, მხოლოდ 14 კმ გზის მონაკვეთის რეაბილიტაცია ვერ უზრუნველყოფს გზის ნორმალურ ფუნქციონირებას. გზის მთლიანი სიგრძე შეადგენს დაახლოებით 23 კმ-ს და მონაკვეთი, რომელიც არ არის გათვალისწინებული დავალებით, ასევე საჭიროებს რეაბილიტაციას. აღნიშულიდან გამომდინარე, მიზანშეწონილად ჩაითვალა საპროექტო მონაკვეთის სიგრძის გაზრდა, რაც დაფიქსირებულია მგფ-ის და შპს „საქგზამეცნიერების“ წარმომადგენელს შორის შეხვედრაზე (იხ. დანართი - შეხვედრის ოქმი).

რადგან იზრდება მომსახურების მოცულობა, მიზანშეწონილია საპროექტო დოკუმენტაციის წარმოდგენის ვადა გაიზარდოს და განისაზღვროს ხელშეკრულების ხელმოწერიდან 25 კვირით.

გთხოვთ შესაბამის სამსახურებს დაავალოთ ხელშეკრულებაში შეიტანოს სათანადო ცვლილება.

დანართი: 1. ოქმი - 2 გვერდი;

პაატა იაკობაშვილი

სამსახურის უფროსი

პროექტების შეფასების სამსახური

საქართველოს მუნიციპალური განვითარების ფონდი

თეთრიწყაროს მუნიციპალიტეტში სოფლებთან ქვემო წყლულეთი და ზემო წყლულეთი მისასვლელი საავტომობილო გზის პროექტირებასთან დაკავშირებული შეხვედრის

ოქმი

ქ. თბილისი,

25 ივლისი, 2014 წ.

ესწრებოდნენ:

საქართველოს მუნიციპალური განვითარების ფონდიდან (შემსყიდველი):

თორნიკე თორაძე - დირექტორის მოადგილე;

პაატა იაკობაშვილი - პროექტების შეფასების სამსახურის უფროსი;

ვასილ ფეხმაშვილი - პროექტების შეფასების სამსახურის საინჟინრო შეფასების სპეციალისტი;

საპროექტო ორგანიზაციიდან (მიმწოდებელი):

თამაზ შილაკაძე - შპს „საქგზამეცნიერება“-ს გენერალური დირექტორი;

შეხვედრაზე განხილული იქნა საქართველოს მუნიციპალური განვითარების ფონდსა და შპს „საქგზამეცნიერებას“ შორის 2014 წლის 20 მაისს გაფორმებული N GOG/D/C/387/12/2014 ხელშეკრულებით გათვალისწინებული, თეთრიწყაროს მუნიციპალიტეტში სოფლებთან ქვემო წყლულეთი და ზემო წყლულეთი მისასვლელი საავტომობილო გზის პროექტირებასთან დაკავშირებული საკითხები.

შპს „საქგზამეცნიერება“-ს გენერალურმა დირექტორმა, ბატონმა, თამაზ შილაკაძემ დამსწრეებს მოახსენა საძიებო-საპროექტო სამუშაოების მიმდინარეობის შესახებ.

აღინიშნა, რომ ჩატარებული საკვლევადიებო და დიაგნოსტიკური სამუშაოების საფუძველზე, რომელიც შესრულდა გზის მთელ ტრასაზე, დადგინდა, რომ ხელშეკრულების ტექნიკური დავალებით გათვალისწინებული, მხოლოდ 14 კმ გზის მონაკვეთის რეაბილიტაცია ვერ უზრუნველყოფს გზის ნორმალურ ფუნქციონირებას. გზის მთლიანისიგრძე შეადგენს დაახლოებით 23 კმ-ს და მონაკვეთი, რომელიც არ არის გათვალისწინებული დავალებით, ასევე საჭიროებს რეაბილიტაციას. აღნიშულიდან გამომდინარე, საჭიროა დაზუსტდეს გზის საპროექტო მონაკვეთის სიგრძე (შპს „საქგზამეცნიერებამ“ 2014 წლის 24 ივლისის N127 წერილით აცნობა მგფ-ს ამის თაობაზე).

ბატონებმა ვასილ ფეხმაშვილმა და პაატა იაკობაშვილმა აღნიშნეს, რომ წარმოდგენილი ინფორმაციის საფუძველზე, გზის უსაფრთხო და საიმედო ფუნქციონირების

უზრუნველყოფის მიზნით, მიზანშეწონილად მიაჩნიათ საპროექტო მონაკვეთის სიგრძე განისაზღვროს 23 კმ-ით (ზუსტი სიგრძე დადგინდება დეტალური პროექტის საფუძველზე), სოფელ ქვემო წყლულეთიდან უნივერსიტეტის მაღლივ კორპუსამდე.

ბატონი თორნიკე თორაძე დაეთანხმა გზის საპროექტო მონაკვეთის სიგრძის გაზრდას. ამასთანავე აღნიშნა, რომ საპროექტო სამუშაოების ღირებულების ცვლილება, რაზედაც საუბარი იყო შპს „საქგზამეცნიერება“-ს 2014 წლის 24 ივლისის N127 წერილში, სამწუხაროდ, შეუძლებელია. საპროექტო მომსახურების გაზრდილი მოცულობიდან გამომდინარე, შესაძლებლად მიაჩნია განხილულ იქნას საპროექტო დოკუმენტაციის მოწოდების ვადების გაზრდა.

ბატონმა თამაზ შილაკაძემ აღნიშნა, რომ მომსახურების ვადების გაზრდის შემთხვევაში თანახმაა წარმოადგინოს 23 კმ გზის რეაბილიტაციის საპროექტო დოკუმენტაცია და მოითხოვს, რომ საპროექტო დოკუმენტაციის წარმოდგენის ვადა განისაზღვროს ხელშეკრულების ხელმოწერიდან 25 კვირით. შესაბამისად, საჭიროა N GOG/D/C/387/12/2014 ხელშეკრულების დანართი N1-ის („ტექნიკური დავალება დამომსახურების აღწერილობა“) სათანადო პუნქტებში შევიდეს ცვლილებები.

თორნიკე თორაძე

პაატა იაკობაშვილი

ვასილ ფეხმაშვილი

თამაზ შილაკაძე

